


## LA VÉCCHJA

*Ce stéva vecine a la casa mija na vecchjarèdda  
ca jabetava pròpete nmand'a Pétre La Strecciata  
nd'a na casa nu póche cchjù ròssa de na masciunèdda  
adóva da la matina a la séra la vedive sèmbè ssessata.*

*Jèva na fèmmena ròssa e ròsse tenéva u córe  
jéssa ca ch'u rusareje mmane prejava ó Segnóre.  
Me recòrde ca Custanza Dejacinde la chjamavene  
parò i wagliule "la vécchja" la menduwavene.*

*E tutte i crestejane li vulévene béne, béne avvèramènde  
e lu vedive quanne malata currévene tutt'i mumènde  
e lu vedive puvurèdda quanne nd'a li fèste cumandate  
da tutte quande nu piatte de panecótte jéva assicurate.*



*Jabetava sòla che la cumbagnija de na bèlla jatta  
e che jéssa jéva felice, cundènda e suddesfatta.  
Che jéssa ce parlava, la wasciava, ce jucava  
e pròpete accóm'e na figghja la tenéva e la trattava.*

*Me pare de vedérela angòra mo', póvera Custanza  
ca a sta jatta paréva ca li vulèsse nzengà la crejanza.  
Me la recòrde sèmbè vestuta che baschina e chianèlle  
e vennèva mazzitte che cinghe cerasè che duje pernèlle*

*ca li tenéva appise attórne a la pòrta che na zuculèdda  
nzémbra a melugname, paparule, cecòria e lattuquèdda  
e quanne mamma me déva na lira che fareme cundènde  
ji la jéve a spènne accata Custanza nd'a nu mumènde.*

*Ma na séra, na brutta séra accóm'e l'anti sére c'è cluquata  
e la matina apprèsse, puvurèdda, ng'è cchjù respègghjata  
e che la jatta accuwacciata accóste a jéssa l'ane truwata  
ca paréva ca chjagnésse quanne da vecine l'ane luwata.*

*Po' sta jatta c'è méssa accucculata nmand'a la pòrta  
che sta vecine a ffà la wardeja a Custanza mòrta.  
A u funérale ce stévene cinghe, cinghe crestejane sultande,  
ca ch'u chjèrechète e l'acceprèwute l'ane purtata ó cambesande*

*e adderéte a li persóne accóm'e llóre tale e quale  
mure, mure pure la jatta accumbagnava u funérale.  
Sta jatta paréva ca a Custanza nne la vulèsse pròpete lassà  
e jè stata na machena ca subbete l'à veluta accundènda.*

*Accuscì la cumbagnija che sèmbè a Custanza c'è juta a ffà  
e, crediteme, stu fatte tutte u pajése à chemmósse e fatte penà.*